

განხილულია ფაკულტეტის საბჭოს სხდომაზე:

ოქმი №12-24, 14.11.2024

დამტკიცებულია მმართველი საბჭოს გადაწყვეტილებით:

დადგენილება №30, 15.11.2024

ბოლო ცვლილებები განხილულია ფაკულტეტის საბჭოს სხდომაზე:

ოქმი №12-25, 02.09.2025

დამტკიცებულია მმართველი საბჭოს გადაწყვეტილებით:

დადგენილება №20, 05.09.2025

### საგანმანათლებლო პროგრამა

#### ბიზნესის ადმინისტრირება - ფინანსები და აუდიტის საბაკალავრო პროგრამა

განათლების საფეხური: ბაკალავრიატი (უმაღლესი აკადემიური განათლების I საფეხური)

სწავლების ენა: ქართული

საგანმანათლებლო პროგრამის ტიპი: აკადემიური, ძირითადი

დეტალური სფეროს დასახელება და კოდი: 0412 ფინანსები, საბანკო საქმე და დაზღვევა

მისანიჭებელი კვალიფიკაცია: ბიზნესის ადმინისტრირების ბაკალავრი ფინანსებში / Bachelor of Business Administration in Finance

სწავლის ხანგრძლივობა: 3 წელი (6 სემესტრი)

საგანმანათლებლო პროგრამის მოცულობა: 180 კრედიტი (ECTS)

საგანმანათლებლო პროგრამის ხელმძღვანელი: ასოცირებული, პროფესორი - ილია ბოცვაძე, მობ.: (+995) 598 20 20 17, ელ. ფოსტა: [ilia.botsvadze@eu.edu.ge](mailto:ilia.botsvadze@eu.edu.ge).

### პროგრამაზე დაშვების წინაპირობა

ბიზნესის ადმინისტრირება - ფინანსები და აუდიტის საბაკალავრო საგანმანათლებლო პროგრამაზე დაიშვება: სრული ზოგადი განათლების დამადასტურებელი ან მასთან გათანაბრებული დოკუმენტის მქონე პირი, რომელიც ერთიან ეროვნული გამოცდებზე მიღებული ქულების კოეფიციენტების რანჟირების საფუძველზე სწავლის უფლებას მოიპოვებს ევროპის უნივერსიტეტში.

პროგრამაზე ჩარიცხვისთვის აბიტურიენტი ვალდებულია ერთიან ეროვნულ გამოცდებზე ჩააბაროს შემდეგი საგნები:

1. ქართული ენა და ლიტერატურა (აბიტურიენტმა უნდა გადალახოს მინიმალური კომპეტენციის ზღვარი. მინიმალური კომპეტენციის ზღვარია - კანონმდებლობით განსაზღვრული მინიმალური ბარიერის დამღევა);
2. უცხოური ენებიდან ერთ-ერთი შემდეგი ენა: ინგლისური ენა, გერმანული ენა, ფრანგული ენა, რუსული ენა (აბიტურიენტმა უნდა გადალახოს მინიმალური კომპეტენციის ზღვარი. მინიმალური კომპეტენციის ზღვარია - კანონმდებლობით განსაზღვრული მინიმალური ბარიერის დამღევა);
3. მათემატიკა (აბიტურიენტმა უნდა გადალახოს მინიმალური კომპეტენციის ზღვარი. მინიმალური კომპეტენციის ზღვარია - კანონმდებლობით განსაზღვრული მინიმალური ბარიერის დამღევა).

### **პროგრამაზე ერთიანი ეროვნული გამოცდების გავლის გარეშე სწავლის უფლებას მოიპოვებენ:**

პირები, რომლებსაც „უმაღლეს საგანმანათლებლო დაწესებულებაში ერთიანი ეროვნული გამოცდების/საერთო სამაგისტრო გამოცდების გავლის გარეშე სწავლის უფლების მქონე აბიტურიენტების/მაგისტრანტობის კანდიდატების/სტუდენტების მიერ დოკუმენტების წარდგენისა და განხილვის წესის დამტკიცების შესახებ“ საქართველოს განათლებისა და მეცნიერების მინისტრის 2011 წლის 29 დეკემბრის №224/ნ ბრძანების საფუძველზე უფლება აქვთ ჩაირიცხონ უნივერსიტეტში ერთიანი ეროვნული გამოცდების გავლის გარეშე. აღნიშნული პირები ვალდებული არიან დაადასტურონ ქართული ენის B2 დონეზე ფლობა „ევროპის უნივერსიტეტის სტუდენტის ენობრივი კომპეტენციის დადგენის წესის“ შესაბამისად.

### **პროგრამაზე ასევე დაიშვებიან:**

„უმაღლესი საგანმანათლებლო დაწესებულებიდან სხვა უმაღლეს საგანმანათლებლო დაწესებულებაში გადასვლის წესისა და საფასურის დამტკიცების შესახებ“ საქართველოს განათლებისა და მეცნიერების მინისტრის 2010 წლის 4 თებერვლის №10/ნ ბრძანების შესაბამისად მობილობის წესით ჩაირიცხული სტუდენტები.

## **პროგრამის აქტუალობა**

გლობალური ეკონომიკისა და ბიზნესის განვითარების ტენდენციები მკაფიოდ წარმოაჩენს, რომ კერძო თუ საჯარო სექტორში ფუნქციონირებადი კომპანიებისა და ორგანიზაციების განვითარების შესაბამისად, ფართოვდება საფინანსო-სამეურნეო საქმიანობის გაძლიერება თუ ცალკეულ ფუნქციურ სფეროებთან დაკავშირებული სამუშაოების არეალი და იზრდება ისეთი პოზიციების, როგორცაა ფინანსური მენეჯერის, ფინანსური სპეციალისტის, ფინანსური ანალიტიკოსისა და ფინანსებისა და აღრიცხვის სფეროში სხვადასხვა ფუნქციური პოზიციის საჭიროება.

საყურადღებოა ისიც, რომ ევროკავშირისკენ მიმავალ გზაზე საქართველო დღითიდღე უფრო საინტერესო ხდება უცხოელი ინვესტორებისთვის. ხორციელდება ახალი ინვესტიციები, ფუნდდება ახალი ორგანიზაციები/კომპანიები/ფილიალები, რომლებიც საჭიროებენ ფინანსების სფეროს კვალიფიციური კადრებით უზრუნველყოფას, რაც კიდევ უფრო მკაფიოდ გამოკვეთს ბიზნესის ადმინისტრირების მიმართულების, ფინანსებისა და აღრიცხვის საგანმანათლებლო პროგრამების აქტუალობას.

ფინანსებისა და აღრიცხვა/აუდიტის დარგი ერთ-ერთი ყველაზე მოთხოვნადი და მაღალანაზღაურებადი საქართველოში; განსაკუთრებით ევროკავშირთან ასოცირების ღრმა და ყოვლისმომცველი ხელშეკრულების გაფორმების შემდგომ მკვეთრად გაიზარდა ფინანსების და აღრიცხვის საერთაშორისო სტანდარტების მცოდნე პროფესიონალებზე მოთხოვნა, რომელთაც შეუძლიათ ადგილობრივი ან/და საერთაშორისო ეკონომიკური

გარემოს გათვალისწინებით, ეროვნული თუ საერთაშორისო საკანონმდებლო რეგულაციების, ასევე შეზღუდული რესურსების პირობებში, შეაფასონ თანამედროვე ბიზნეს-გარემო, სამეწარმეო საქმიანობის დაწყებისა და ბიზნესის განვითარების შესაძლებლობები თუ გამოწვევები; გამოავლინონ და შეაფასონ ბიზნეს-საქმიანობის ძლიერი/სუსტი მხარეები, ბიზნეს პროცესების მართვასთან დაკავშირებული რისკები; კოორდინაცია გაუწიონ ბიზნესის ფუნქციური სფეროს/ორგანიზაციის სტრუქტურული ერთეულის საქმიანობას, გადაწყვეტილების მიღებისათვის საჭირო რესურსების რაციონალურად გამოყენებას, რათა უზრუნველყონ ბიზნეს/კომპანიის/სტრუქტურული ერთეულის წინაშე დასახული მიზნებისა და ამოცანების განხორციელება.

შესაბამისად, პროგრამა ფინანსებისა და აღრიცხვის ცოდნისა და უნარების კომბინაციით, რომლებიც გაჯერებული იქნება დიდი მოცულობის პრაქტიკული კომპონენტით უზრუნველყოფს მაღალი კვალიფიკაციის კადრების მომზადებას, რომლებიც თავისუფლად შეძლებენ დასაქმებას როგორც კერძო, ისე საჯარო და არასამთავრობო სექტორში. პროგრამის არქიტექტურა პასუხობს ზემოთნახსენები ხედვის მხარდაჭერას, რაც მოიცავს ბიზნესის სფეროს ფართო ცოდნისა და ძირითად პრინციპებზე დაფუძნებულ ფინანსების სფეროს შესწავლას, რომელიც ასევე შევსებული იქნება აღრიცხვისა და აუდიტის კომპონენტებით, რაც უზრუნველყოფს საბოლოო ცოდნისა და უნარების ისეთ სინერგიას რაც საშუალებას მიცემს კურსდამთავრებულებს თამად გააკეთონ განაცხადი ადგილობრივ თუ საერთაშორისო დასაქმების ბაზარზე, და რაც მთავარია ასევე თავიანთი პროფესინალური და პროგრესული მიდგომებითა თუ გადაწყვეტილებებით გარკვეული წვლილი შეიტანონ საზოგადოების განათლებასა და განვითარებაში.

### პროგრამის მიზანი

ბიზნესის ადმინისტრირება - ფინანსები და აუდიტის საგანმანათლებლო პროგრამაში გამჭოლად დასახული ევროპის უნივერსიტეტის მისია, ხედვა და ღირებულებები, აგრეთვე ბიზნესისა და ტექნოლოგიების ფაკულტეტის ძირითადი მიზნები და ამოცანები.

ბიზნესის ადმინისტრირება - ფინანსები და აუდიტის საბაკალავრო საგანმანათლებლო პროგრამის მიზანია:

1. უმაღლესი განათლების თანამედროვე სტანდარტების შესაბამისი სწავლების შეთავაზებით მოამზადოს შესაბამისი აკადემიური ხარისხის მქონე, ადგილობრივი და საერთაშორისო შრომის ბაზრის მოთხოვნების შესაბამისი კომპეტენციებით აღჭურვილი, კონკურენტუნარიანი, სოციალური პასუხისმგებლობის მატარებელი, კვალიფიციური სპეციალისტები, რომელნიც, სათანადო დარგობრივი ცოდნითა და უნარებით შეძლებენ ბიზნესის სხვადასხვა სექტორის საქმიანობის განხორციელებაში მონაწილეობას;
2. მისცეს ფართო ცოდნა ბიზნესის ადმინისტრირებისა და ფინანსების სფეროში და დააუფლოს ფინანსების მართვის პროცესში წამოჭრილი სტანდარტული თუ გაუთვალისწინებელი პრობლემების გადაწყვეტისათვის საჭირო მეთოდებს და ინსტრუმენტებს; ჩამოუყალიბოს ქვედა და შუალედური რგოლის მენეჯერულ პოზიციაზე წარმატებული საქმიანობისათვის აუცილებელი უნარ-ჩვევები;
3. მოამზადოს ადგილობრივ ან/და საერთაშორისო კომპანიებში/საჯარო ორგანიზაციებში მმართველობის ქვედა/შუალედურ რგოლში დასაქმებისა და საფინანსო-მმართველობითი, და საინფორმაციო-ანალიტიკური საქმიანობის განხორციელებისთვის;
4. განუვითაროს პროფესიული საქმიანობისათვის მნიშვნელოვანი ზოგადი კომპეტენციები: ბიზნეს-პროექტის/მოხსენების მომზადება-წარდგენის და ეფექტური კომუნიკაციის, ინფორმაციული

ტექნოლოგიების გამოყენებისა და მონაცემთა მოძიება-დამუშავების, პრობლემის გადაწყვეტის, პროფესიულ საკითხებზე არგუმენტირებული მსჯელობისა და დასაბუთებული დასკვნის ჩამოყალიბების, გუნდში მუშაობის უნარ-ჩვევები; პროფესიული საქმიანობის ეთიკის პრინციპების/აკადემიური პატიოსნების დაცვით წარმართვა და განხორციელება.

### სწავლის შედეგები

ბიზნესის ადმინისტრირება - ფინანსები და აუდიტის საბაკალავრო საგანმანათლებლო პროგრამის სწავლის შედეგები შეესაბამება უმაღლესი განათლების კვალიფიკაციათა ჩარჩოს მეექვსე დონეს (უმაღლესი განათლების პირველი საფეხური - ბაკალავრიატი) და უზრუნველყოფს კვალიფიკაციათა აღმწერის შესაბამისი სწავლის შედეგების მიღწევას.

პროგრამის სწავლის შედეგები შესაბამისობაშია ასევე, ფინანსების უმაღლესი განათლების დარგობრივი მახასიათებლით დადგენილ იმ მოთხოვნებთან, რაც სავალდებულოდ განისაზღვრა ბიზნესის ადმინისტრირების ბაკალავრი ფინანსებში აკადემიური ხარისხის მისანიჭებლად და ეფუძნება რეკომენდირებულ სწავლის შედეგებს: <https://eqe.ge/ka/page/static/1028/biznesi-administririba-da-samartali>.

ბიზნესის ადმინისტრირება - ფინანსები და აუდიტის საბაკალავრო საგანმანათლებლო პროგრამის დასრულების შედეგად კურსდამთავრებულს ჩამოუყალიბდება შემდეგი კომპეტენციები:

ცოდნა და გაცნობიერება	საბაკალავრო პროგრამის კურსდამთავრებულს აქვს სფეროს ფართო ცოდნა, რომლის საფუძველზეც:
1	აღწერს ბიზნეს გარემოს და საბაზრო ეკონომიკის ინფრასტრუქტურას, ბიზნესის ფუნქციონალურ სფეროებში მიმდინარე პროცესებს, აცნობიერებს ზოგადი მენეჯმენტის, მარკეტინგის, ფინანსების, აღრიცხვის, ორგანიზაციის სამართლებრივ, სოციალური პასუხისმგებლობისა და ბიზნეს ეთიკის პრინციპებს;
2	განიხილავს ფინანსების თანამედროვე თეორიებს, ფინანსური სისტემის ფუნქციონირების ძირითად პრინციპებს, ფინანსურ ინფრასტრუქტურასა და ინსტიტუტებს, ფინანსური მენეჯმენტის როლს ბიზნესის განვითარებაში, საინვესტიციო და ფინანსურ გადაწყვეტილებების არსსა და მნიშვნელობას და შესაბამისი რისკების შეფასებასა და მართვას;
3	განმარტავს ფინანსური და მმართველობითი აღრიცხვის პრინციპებს სამეურნეო ოპერაციებთან და სხვა მოვლენებთან მიმართებით; ფინანსური ანგარიშგების, როგორც შედეგის და პროგნოზის მნიშვნელოვანი საშუალების როლსა და ფინანსური აუდიტის ჩატარების მიზნებსა და ეტაპებს; საგადასახადო დაბეგვრასა და დაგეგმვასთან დაკავშირებულ საკვანძო საკითხებს;
უნარი	საბაკალავრო პროგრამის ფარგლებში განვითარებული უნარების საფუძველზე კურსდამთავრებული:
4	ახდენს კომპანიაზე მოქმედი ეკონომიკური ფაქტორების იდენტიფიცირებას, ბაზრის მდგომარეობის, ეკონომიკურ-საგადასახადო და ბიზნეს გარემოს ანალიზს, რაციონალური აზროვნების გზით ეკონომიკური გადაწყვეტილებების მიღებისა და რესურსების ეფექტიანად მართვას, საქმიანობის შედეგების შეფასებას;

5	ანალიზებს მონაცემებს ინდივიდების, ორგანიზაციების, ინსტიტუტების საფინანსო საქმიანობის შესახებ, უზრუნველყოფს ფინანსური დოკუმენტაციისა და ანგარიშგების მომზადებას ფინანსური ანგარიშგების საერთაშორისო სტანდარტების გამოყენებით; აყალიბებს შესაბამის დასკვნებს და ახდენს მათ ინტერპრეტაციას;
6	იყენებს მონაცემების დამუშავების შესაბამის ინფორმაციულ და საკომუნიკაციო ტექნოლოგიებს; შესრულებულ სამუშაოს/პროექტს წერილობითი ან/და ზეპირი ფორმით წარადგენს და ამყარებს ეფექტურ კომუნიკაციას დაინტერესებულ მხარეებთან კონტექსტისათვის შესაბამისი ფორმებით;
<b>ავტონომიურობა და პასუხისმგებლობა</b>	<b>საბაკალავრო პროგრამის ფარგლებში მიღებული განათლების საფუძველზე კურსდამთავრებული:</b>
7	აფასებს თანმიმდევრულად და სხვადასხვა კუთხით ბიზნესისა და ფინანსების სფეროში საკუთარი ცოდნას და განსაზღვრული კომპეტენციების ფარგლებში ეთიკის, პროფესიული პასუხისმგებლობის და აკადემიური კეთილსინდისიერების პრინციპების დაცვით ასრულებს პროფესიულ საქმიანობას.

საგანმანათლებლო პროგრამის სწავლის შედეგები შესაბამისობაშია პროგრამის მიზნებთან (იხ. პროგრამის [დანართი 1](#) - პროგრამის მიზნებისა და სწავლის შედეგების შესაბამისობის რუკა).

საგანმანათლებლო პროგრამის კომპონენტებით უზრუნველყოფილია პროგრამის სწავლის შედეგების მიღწევა (იხ. პროგრამის [დანართი 2](#) – საგანმანათლებლო პროგრამის სწავლის შედეგების რუკა).

### პროგრამის მოცულობა

ბიზნესის ადმინისტრირება - ფინანსები და აუდიტის საბაკალავრო საგანმანათლებლო პროგრამა აგებულია კრედიტების ტრანსფერის ევროპული სისტემის (ECTS) საფუძველზე, სტუდენტზეა ორიენტირებული და ემყარება სტუდენტის აკადემიურ დატვირთვას, რომელიც საჭიროა საგანმანათლებლო პროგრამის მიზნების მისაღწევად.

პროგრამის ხანგრძლივობა შეადგენს 3 აკადემიურ წელს (6 სემესტრს) და მოიცავს 180 (ECTS) კრედიტს (4500 საათს ჯამში). 1 კრედიტი მოიცავს 25 ასტრონომიულ საათს; კრედიტი დროის ერთეულში (სთ.) ასახავს სამუშაოს იმ მოცულობას, რომელიც საჭიროა სტუდენტის მიერ პროგრამის შესაბამისი სასწავლო კურსის ასათვისებლად და სწავლის შედეგების მისაღწევად. კრედიტი ითვალისწინებს საკონტაქტო და დამოუკიდებელი მუშაობის საათებს.

სემესტრის განმავლობაში სტუდენტმა უნდა დაძლიოს 30 კრედიტი (30 კრედიტი = 750 სთ.), ხოლო აკადემიური წლის განმავლობაში - 60 კრედიტი, თუმცა, პროგრამის სპეციფიკიდან და სტუდენტის ინდივიდუალური დატვირთვიდან გამომდინარე, კრედიტების რაოდენობა აკადემიური წლის განმავლობაში შეიძლება იყოს 60-ზე ნაკლები ან მეტი, მაგრამ არაუმეტეს 75 კრედიტისა.

ერთი აკადემიური სასწავლო წელი მოიცავს 42 კვირას, ერთი სემესტრი 21 კვირას, მათ შორის 15 კვირა არის სასწავლო, დანარჩენი 6 კვირა კი სასესიო. მე-8 და მე-9 კვირა ეთმობა შუალედურ გამოცდას, მე-18 - მე-20 კვირა დასკვნითი გამოცდების პერიოდია, ხოლო 21-ე კვირა დამატებითი გამოცდების პერიოდი. დასკვნით და

შესაბამის დამატებით გამოცდას შორის შუალედია დასკვნითი გამოცდის შედეგების გამოცხადებიდან არანაკლებ 5 დღე.

### პროგრამის სტრუქტურა

ბიზნესის ადმინისტრირება - ფინანსები და აუდიტის საბაკალავრო საგანმანათლებლო პროგრამის შინაარსსა და სტრუქტურაში გათვალისწინებულია - ევროპის უნივერსიტეტის მისია; ბიზნესისა და ტექნოლოგიების ფაკულტეტის მიზნები და ამოცანები; თანამედროვე ბიზნესის განვითარებისა და ქართული თუ საერთაშორისო დასაქმების ბაზრის ტენდენციები განათლების სფეროში. ასევე, გათვალისწინებულია წამყვანი საერთაშორისო უნივერსიტეტის მიერ ანალოგური კვალიფიკაციის მიმნიჭებელი პროგრამის განხორციელების გამოცდილება.

ბიზნესის ადმინისტრირება - ფინანსები და აუდიტის საბაკალავრო პროგრამა მოიცავს 180 კრედიტს, მათ შორის:

სავალდებულო კომპონენტი	140 კრედიტი	
თავისუფალი კომპონენტი	18 კრედიტი	აღნიშნული კომპონენტის ფარგლებში შეთავაზებული სასწავლო კურსები ორიენტირებულია ზოგადი, ტრანსფერული უნარების განვითარებაზე.
ძირითადი სწავლის სფეროს სავალდებულო სასწავლო კურსები	122 კრედიტი	აღნიშნული კომპონენტის ფარგლებში შეთავაზებული სასწავლო კურსები ხელს უწყობს როგორც ზოგადად ბიზნესის, ისე მის ცალკეულ ფუნქციურ სფეროში ფინანსებსა და აღრიცხვაში საბაზისო ცოდნა-უნარების შექმნას, ფინანსური გადაწყვეტილებების მიღებისათვის საჭირო საკვანძო კომპეტენციების განვითარებას.
არჩევითი კომპონენტი	40 კრედიტი	
ძირითადი სწავლის სფეროს არჩევითი სასწავლო კურსები	20 კრედიტი	აღნიშნული კომპონენტის ფარგლებში შეთავაზებული სასწავლო კურსები ხელს უწყობს სტუდენტის ცოდნა-უნარების გაღრმავებას ფინანსების ცალკეულ მიმართულებებთან დაკავშირებულ საკვანძო საკითხებზე და ერთგვარად ეხმარება მას, საკუთარი ინტერესებისა და არჩევანის შესაბამისად, დამატებით შეიძინოს კონკრეტული მიმართულებით საქმიანობისა თუ პროფესიული კარიერის განვითარებისათვის მნიშვნელოვანი საკვანძო კომპეტენციები.
თავისუფალი კომპონენტი	20 კრედიტი	აღნიშნული კომპონენტის ფარგლებში სტუდენტს შესაძლებლობა აქვს: – საკუთარი შეხედულებისა და ინტერესების შესაბამისად, აირჩიოს სასწავლო კურსები უნივერსიტეტში მოქმედი შესაბამისი საფეხურის ნებისმიერი საგანმანათლებლო

		<p>პროგრამიდან (სასწავლო კურსზე დაშვების წინაპირობების დაცვით);</p> <p>- აითვისოს თავისუფალი კრედიტები ბიზნესის ადმინისტრირება - ფინანსები და აუდიტის საბაკალავრო პროგრამის ძირითადი სწავლის სფეროს არჩევითი სასწავლო კურსებით და კიდევ უფრო გაიღრმავოს ცოდნა-უნარები ფინანსების ცალკეული ფუნქციური მიმართულების მართვასთან დაკავშირებული საკითხების გარშემო.</p>
--	--	---

ამდენად, ბიზნესის ადმინისტრირება - ფინანსები და აუდიტის საბაკალავრო საგანმანათლებლო პროგრამის სტუდენტს საშუალება აქვს თავად შექმნას საკუთარი პროფილი სპეციალობის სავალდებულო, არჩევითი ან თავისუფალი სასწავლო კურსების კომბინირებით.

საბაკალავრო პროგრამით გათვალისწინებული სასწავლო კურსები მიმართულია პროგრამაში დასახული მიზნების მიღწევაზე და სწავლის შედეგად მისაღები კვალიფიკაციის შესაბამისი კომპეტენციების ჩამოყალიბებაზე.

საბაკალავრო პროგრამის ფარგლებში მისაღწევი კომპეტენციების ფორმირების ლოგიკური თანმიმდევრობა განსაზღვრავს საბაკალავრო პროგრამის შინაარსს, სტრუქტურას და სასწავლო გეგმას. სწავლების 3 წლიანი ციკლი ისეა დაგეგმილი, რომ ხელს უწყობს პროგრამით განსაზღვრული მიზნებისა და სწავლის შედეგების ლოგიკურად და თანმიმდევრულად მიღწევას.

*საგანმანათლებლო პროგრამის კომპონენტები, კომპონენტების კრედიტების მოცულობა, წინაპირობები და სემესტრების მიხედვით კომპონენტების განაწილება განსაზღვრულია პროგრამის სასწავლო გეგმით (იხ. დანართი 5 - სასწავლო გეგმა).*

### სტუდენტის ცოდნის შეფასების სისტემა

შეფასების მეშვეობით განისაზღვრება სტუდენტის მიღწევების შესაბამისობა პროგრამის კონკრეტულ შედეგებთან. ბიზნესის ადმინისტრირება - ფინანსები და აუდიტის საბაკალავრო საგანმანათლებლო პროგრამაში სტუდენტის ცოდნის შეფასება დაფუძნებულია კრიტერიუმებზე, რომლებიც განსაზღვრავენ ფლობს თუ არა სტუდენტი სასწავლო კურსით განსაზღვრულ სწავლის შედეგებს.

პროგრამის ფარგლებში გამოყენებული შეფასების სისტემა შეესაბამება საქართველოს განათლებისა და მეცნიერების მინისტრის 2007 წლის 5 იანვრის №3 ბრძანებით დამტკიცებულ „უმადლესი საგანმანათლებლო პროგრამების კრედიტებით გაანგარიშების წესს“.

სწავლის შედეგების მიღწევა ვასდება შუალედური და დასკვნითი შეფასებებით, რომელთა ჯამი წარმოადგენს საბოლოო შეფასებას. სასწავლო კურსის მაქსიმალური საბოლოო შეფასება შეადგენს 100 ქულას. დასკვნითი გამოცდის ხვედრითი წილი განისაზღვრება თითოეული სასწავლო კურსისთვის განმახორციელებელი პერსონალის აკადემიური თავისუფლების ფარგლებში, მაგრამ არაუმეტეს საერთო შეფასების 40%-ისა.

**შეფასების სისტემა ითვალისწინებს:**

**ა) ხუთი სახის დადებით შეფასებას:**

- ა.ა) (A) ფრიადი – 91-100 ქულა;
- ა.ბ) (B) ძალიან კარგი – 81-90 ქულა;
- ა.გ) (C) კარგი – 71-80 ქულა;
- ა.დ) (D) დამაკმაყოფილებელი – 61-70 ქულა;
- ა.ე) (E) საკმარისი – 51-60 ქულა.

**ბ) ორი სახის უარყოფით შეფასებას:**

ბ.ა) (FX) ვერ ჩააბარა – 41-50 ქულა, რაც ნიშნავს, რომ სტუდენტს ჩასაბარებლად მეტი მუშაობა სჭირდება და ეძლევა დამოუკიდებელი მუშაობით დამატებით გამოცდაზე ერთხელ გასვლის უფლება;

ბ.ბ) (F) ჩაიჭრა – 40 ქულა და ნაკლები, რაც ნიშნავს, რომ სტუდენტის მიერ ჩატარებული სამუშაო არ არის საკმარისი და მას სასწავლო კურსი/საგანი ახლიდან აქვს შესასწავლი.

საგანმანათლებლო პროგრამის კომპონენტში, უარყოფითი შეფასების (FX) მიღების შემთხვევაში სტუდენტს ეძლევა დამატებით გამოცდაზე გასვლის უფლება. დამატებით გამოცდაზე გასვლის უფლებას სტუდენტი იღებს იმ შემთხვევაშიც, თუ მან დააგროვა საბოლოო შეფასების 51 ქულა ან მეტი, მაგრამ ვერ გადალახა დასკვნითი გამოცდისთვის განსაზღვრული მინიმალური კომპეტენციის ზღვარი. დამატებითი გამოცდა ინიშნება დასკვნითი გამოცდის შედეგების გამოცხადებიდან არანაკლებ 5 დღეში.

სტუდენტის მიერ დამატებით გამოცდაზე მიღებულ შეფასებას არ ემატება დასკვნით შეფასებაში მიღებული ქულათა რაოდენობა. დამატებით გამოცდაზე მიღებული შეფასება არის დასკვნითი შეფასება და აისახება საგანმანათლებლო პროგრამის კომპონენტის საბოლოო შეფასებაში.

შუალედური შეფასება დაყოფილია კომპონენტებად. შუალედური შეფასების სავალდებულო კომპონენტია შუალედური გამოცდა, რომელიც ტარდება VIII-IX კვირაში. შუალედური შეფასება გულისხმობს სამუშაო ჯგუფში მუშაობის დროს სტუდენტების მუშაობის პროცესის, შუალედური გამოცდის და სტუდენტის დამოუკიდებელი სამუშაოს ჯამურ შეფასებას, ხოლო დასკვნითი შეფასება - დასკვნითი გამოცდის შეფასებას. შუალედური და დასკვნითი შეფასების მეთოდებს, შინაარსსა და მათ ხვედრით წილს განსაზღვრავს სასწავლო კურსის განმახორციელებელი პერსონალი შესაბამისი სილაბუსის ფარგლებში. სილაბუსში ასევე განმარტებულია თითოეული კომპონენტის შეფასების კრიტერიუმებიც.

დასკვნით გამოცდაზე სტუდენტი დაიშვება შუალედური შეფასების მინიმალური ზღვარის გადალახვის შემთხვევაში. დასკვნითი გამოცდა ჩაითვლება ჩაბარებულად დასკვნითი გამოცდის მინიმალური ზღვარის გადალახვის შემთხვევაში. შუალედური შეფასებისთვის და დასკვნითი გამოცდისთვის განსაზღვრულია შემდეგი მინიმალური კომპეტენციის ზღვარი: შუალედური შეფასების 50%, დასკვნითი გამოცდის შეფასების 50% + 1 ქულა.

კრედიტი ათვისებულად ჩაითვლება თუკი შუალედური შეფასებისთვის დადგენილი მინიმალური ზღვარის და დასკვნით გამოცდაში დადგენილი მინიმალური ზღვარის გადალახვის საფუძველზე სტუდენტის მიერ დაგროვილი ქულების ჯამი შეადგენს 51 ქულას ან მეტს.

სასწავლო კურსის განმახორციელებელი პერსონალი უფლებამოსილია, სასწავლო კურსის სპეციფიკის გათვალისწინებით, სილაბუსით განსაზღვროს განსხვავებული (უფრო მაღალი) შუალედური და დასკვნითი შეფასებების მინიმალური კომპეტენციის ზღვარი, საქართველოს მოქმედი კანონმდებლობით დადგენილი მოთხოვნის შესაბამისად.

სასწავლო კურსის განმახორციელებელი პერსონალი, მიზნების, სწავლის შედეგების და სასწავლო კურსის სპეციფიკის გათვალისწინებით, ასევე უფლებამოსილია შეფასების მეთოდში/მეთოდებში განსაზღვროს მინიმალური კომპეტენციის ზღვარი. შეფასების მეთოდში/მეთოდებში მინიმალური კომპეტენციის ზღვარის არსებობის შემთხვევაში, კრედიტის მინიჭება შესაძლებელი იქნება თითოეულ შეფასების მეთოდში არსებული მინიმალური კომპეტენციის ზღვარის გადალახვის, თითოეულ შეფასების კომპონენტში (შუალედური და დასკვნითი შეფასება) არსებული მინიმალური კომპეტენციის ზღვარის გადალახვისა და შუალედურ და დასკვნით შეფასებებში მიღებული ქულების დაჯამების შედეგად მინიმუმ 51 ქულის დაგროვების შემთხვევაში.

### დასაქმების სფერო

ბიზნესის ადმინისტრირება - ფინანსები და აუდიტის საბაკალავრო პროგრამის კურსდამთავრებულის დასაქმების შესაძლო სფეროა კერძო, საზოგადოებრივ ან/და სახელმწიფო სექტორში სხვადასხვა პროფილის ორგანიზაციები (საჯარო და/ან საერთაშორისო ორგანიზაციები, საწარმოო და ბიზნეს სტრუქტურები, უცხოურ-ქართული ერთობლივი საწარმოები, მცირე ბიზნეს-საწარმოები, სადაც საქმეთწარმოება ინგლისურ ენაზეც მიმდინარეობს). პროგრამის ფარგლებში შეძენილი დარგობრივი და ზოგადი კომპეტენციების საფუძველზე, კურსდამთავრებულს შეუძლია:

- დაიკავოს ბიზნესის ადმინისტრირების, ფინანსების, აღრიცხვის მიმართულებით სხვადასხვა პოზიცია, მათ შორის, ქვედა/შუალედური რგოლის მენეჯერის, ბიზნესის ცალკეული ფუნქციური სფეროს მართვის სპეციალისტის(ფინანსური მენეჯერის, ფინანსური სპეციალისტის, ფინანსური ანალიტიკოსისა) თუ ბიზნესის ადმინისტრირების სფეროსში სხვადასხვა ფუნქციური ან/და ტექნიკური პოზიცია; როგორც დამოუკიდებლად, ასევე ჯგუფში მუშაობის დროს პრაქტიკულად განახორციელოს ძირითადი პროფესიული ფუნქციები ბიზნესის ცალკეული ფუნქციური სფეროს / ორგანიზაციის სტრუქტურული ერთეულის მართვისას;
- ბაკალავრის კომპეტენციის ფარგლებში განახორციელოს საორგანიზაციო-მმართველობითი, ადმინისტრაციულ-საფინანსო, საინფორმაციო-ანალიტიკური საქმიანობა.

### სწავლის გაგრძელების შესაძლებლობა

ბიზნესის ადმინისტრირება - ფინანსები და აუდიტის საბაკალავრო საგანმანათლებლო პროგრამის კურსდამთავრებული უფლებამოსილია, კანონმდებლობით დადგენილი წესით, განაგრძოს სწავლა უმაღლესი აკადემიური განათლების მეორე საფეხურზე – ნებისმიერი მიმართულების სამაგისტრო პროგრამაზე საქართველოში ან სხვა ქვეყანაში, თუ უმაღლეს საგანმანათლებლო დაწესებულების მიერ ამ პროგრამაზე მიღების წინაპირობა არ არის შეზღუდული სხვა სპეციალობის ბაკალავრის აკადემიური ხარისხით.

### პროგრამის განხორციელების მატერიალური რესურსი

ბიზნესის ადმინისტრირება - ფინანსები და აუდიტის საბაკალავრო საგანმანათლებლო პროგრამის განსახორციელებლად და პროგრამით გათვალისწინებული სწავლის შედეგების მისაღწევად ევროპის უნივერსიტეტს გააჩნია შესაბამისი მატერიალურ-ტექნიკური ბაზა და რესურსები. კერძოდ:

უნივერსიტეტის შენობა აღჭურვილია პროგრამის განხორციელებისთვის საჭირო შესაბამისი ინვენტარით: სასწავლო აუდიტორიები, საინფორმაციო-საკომუნიკაციო ტექნოლოგიები შესაბამისი პროგრამული უზრუნველყოფითა და ინტერნეტით - პროგრამის ფარგლებში განსახორციელებელი სასწავლო კურსებისთვის

(თეორიული და პრაქტიკული მეცადინეობებისთვის) გამოყოფილია აუდიტორიები, აგრეთვე, კომპიუტერული კლასი, რომლებიც აღჭურვილია ყველა საჭირო ინვენტარით, კომპიუტერული ტექნიკითა და სასწავლო კურსებისთვის საჭირო ყველანაირი რესურსით, რაც სასწავლო პროცესის შეუფერხებლად წარმართვისა და საჭიროების შემთხვევაში პრაქტიკული სწავლების საშუალებას იძლევა.

ბიბლიოთეკა - აღჭურვილია ბიზნესის ფუნქციურ სფეროებთან დაკავშირებული დარგობრივი და სამეცნიერო ლიტერატურით, სასწავლო პროგრამით გათვალისწინებული სავალდებულო და დამატებითი წიგნადი ფონდით, (პროგრამის ფარგლებში გამოყენებული სავალდებულო ლიტერატურა ხელმისაწვდომია ბიბლიოთეკაში ელექტრონული ან /და ბეჭდური ფორმით), ელექტრონული რესურსებით. ასევე, უნივერსიტეტში უზრუნველყოფილია საერთაშორისო ელექტრონულ საბიბლიოთეკო ქსელში ჩართულობა, შესაბამისად, სტუდენტებისა და აკადემიური პერსონალისათვის ხელმისაწვდომია სარგებლობა შემდეგი საერთაშორისო ელექტრონული ბაზებით: EBSCO EP Package ELIT (პაკეტი შეიცავს 11 ბაზას), და eLFL (ელექტრონული ინფორმაცია ბიბლიოთეკებისათვის) ელექტრონული ბაზები (პაკეტი შეიცავს 8 ბაზას), Elsevier - ის სამეცნიერო ელექტრონულ ბაზაში შემავალი შემდეგი ბაზები: Scopus, Sciencedirect.

საგამოცდო ცენტრი - უზრუნველყოფს პროგრამის ფარგლებში შეფასების პროცესის მხარდაჭერას.

აკადემიური პერსონალის სამუშაო სივრცე - ქმნის უნივერსიტეტში მუშაობისა და სხვადასხვა აქტივობის განხორციელებისათვის ხელსაყრელ სამუშაო გარემოს.

ბიზნესის ადმინისტრირება - ფინანსები და აუდიტის საბაკალავრო საგანმანათლებლო პროგრამის ფარგლებში უზრუნველყოფილია პრაქტიკის გავლა პარტნიორ ორგანიზაციებში, მათთან გაფორმებული ურთიერთთანამშრომლობის მემორანდუმების საფუძველზე.

### პროგრამის განხორციელების ადამიანური რესურსი

ბიზნესის ადმინისტრირება - ფინანსები და აუდიტის საბაკალავრო საგანმანათლებლო პროგრამის განხორციელება უზრუნველყოფილია მაღალკვალიფიციური პერსონალით. საგანმანათლებლო პროგრამით გათვალისწინებულ სასწავლო კურსებს უძღვება სათანადო გამოცდილებისა და კომპეტენციის მქონე აკადემიური და მოწვეული პერსონალი (იხ. [დანართი 6](#) - პროგრამის განმახორციელებელი პერსონალი).

**შენიშვნა:** ბიზნესის ადმინისტრირება - ფინანსები და აუდიტის საბაკალავრო პროგრამის დანართები წარმოადგენს პროგრამის განუყოფელ ნაწილს.

**ბიზნესის ადმინისტრირება - ფინანსები და აუდიტის საბაკალავრო**

**საგანმანათლებლო პროგრამის ხელმძღვანელი:**

ასოცირებული პროფესორი - ილია ბოცვაძე

**ხარისხის უზრუნველყოფის სამსახურის უფროსის მ.შ.:**

სოფიო ხუნდაძე